

लहना

सहसाथिक पत्रकारिता, शौर्य आवश्यकता

LAHANA WEEKLY

वा:पौ

सा:गु भिंगु मरिचरिया नितिं लुमका दिस्सँ !

लक्ष्मण जमाल /चिलमि'
प्रोप्राइटर

लाखा छँ
LAKHA CHHEN

सोहखुटे, वडा नं. १६, यँ, फोन नं.: ४२६०७५८

यँ महानगरपालिकाय् बजेट अन्याैल मेयर साहया अराजकता गुबले तक ?

● **लहना संवाददाता**
यँ महानगरपालिकाया कार्यपालिकाया बैठक मच्चेनेवँ आः बजेट अन्याैल्य लाःगु दु। नियम कथं असारया १० गते दुने बजेट पेश यायेमाःगु खःसांनयँ महानगरपालिकाया मेयर बालेन साह व प्रमुख प्रशासकीय अधिकृत दथुइ ब्वलंगु विवादया कारणं यानाः यँ महानगरपालिकाया बजेट छु जुइ धइगु खँ तकं धाये मफइगु अवस्थाय् थ्यंगु खँ यँ महानगरपालिकाया जनप्रतिनिधितय्सं धाःगु दु।

यँ महानगरपालिकाया बजेट दयेकेगु नितिं धकाः वंगु आइवाः बैठक च्वनेगु कुतः जूगु खःसां नं मेयर बालेन साह प्रमुख प्रशासकीय अधिकृत सरोज गुरागाईयात बैठकय् मसःतेगु कथं बैठक सःतूगु सीवं कार्यपालिकाया दुजःपिसं आइतवाःया च्वनेत अस्वीकार याःगु खः। मेयर साह प्रमुख प्रशासकीय गुरागाई दुथ्याःगु बैठकय् थः मच्चेनेगु अडान कया वयाच्वंगु दु।

थ्व स्वयां न्हयः नं मेयर साह बैठक सःतूगु खःसा उगु बैठकय् नं प्रमुख प्रशासकीय अधिकृत मदइगु बैठकया वैधानिकतायात यकाः कार्यपालिकाया दुजःतय्सं न्हयसः



थनेवं मेयर साह स्वयम्ह थम्ह हे बैठक स्थगित याःगु खः।

बजेट दयेकेगु न्हयः च्वनेमाःगु थीथी कमिटीया बैठक च्वने फ्याच्वंगु मदुसा मेखे बजेटया सीमा निर्धारण यायेगु नितिं धकाः मेयर साहया अध्यक्षताय् च्वनेमाःगु बैठक तकं च्वनेगु तःक्वः कुतः यायेधुंकूगु खःसां नं प्रमुख प्रशासकीय अधिकृत मदयेक बैठक मच्चेनेगु अडान समितिया दुजःपिसं कयाच्वंगु दु।

मेयर साह लयल्य पतिकं

तयेमाःगु कार्यपालिकाया बैठक वंगु पुस मतःयेवं कांग्रेसया वडा अध्यक्षपिसं मेयर साहयात ज्ञापन पौ बिउगु खः। तर नं मेयर साह कार्यपालिकाया बैठक मसःतू।

वयां लिपा कार्यपालिकाया अनौपचारिक बैठक च्वनाः कार्यपालिकाया बैठक सःतेमाःगु माग याःगु खःसां नं मेयर साह बैठक याकनं सःते धकाः बैठक मसःतूसे च्वनाच्वंगु खः। वयां लिपा यँ महानगरपालिकाया नगरसभाया अनौपचारिक बैठक च्वनाः

मेयर साहयात भिन्थान्हुया म्याद बियाः बैठक सःतेमाःगु माग याःगु खःसा मेयर साह उकियात नं वेवास्ता यानाच्वंगु द्वपं यँ महानगरपालिकाया वडा अध्यक्षतय्सं बीगु यानाच्वंगु दु।

मेयर साह वडा अध्यक्षतय्सं बैठक सःतेत इनाप याःसां नं मेयर साह बैठक मसःतूगु कारणं आः वडा अध्यक्षपिसं मेगु लँपु मालेमालिगु अवस्था वःगु खँ धाःगु दु। वडा अध्यक्षतय्सं नगरसभाया २५ प्रतिशत दुजःपिं पाखे बैठक सःतेत माग यायेगु खः वा अदालतय् मुद्दा तयेगु धइगु निर्णय यायेगु कथं तयारी यानाच्वंगु खँ यँ महानगरपालिकाया सूत्रं धाःगु दु।

नां कन्हे मयःम्ह छम्ह वडा अध्यक्ष 'लहना वाःपौ' मेयर साह बैठक मसःतूसे थुकथं हे अलमल यानाच्वना धाःसा मुद्दाय् वनेमालिगु अवस्था वयेफु।' वय्कःया कथं जनताया प्रतिनिधि जुगु कारणं हे थःपिं अदालतय् वनेगु चाहे मज्जुगु खँ धासें थःपिं मेयर लिसे द्वन्द्व यानाः मखु मेलमिलाप यानाः हे यँ महानगरपालिकाया कार्यपालिकाया बैठक लिसे नगरसभाया बैठक सःतेमाः धकाः धइगु खःसा मेयर थःपिं चिउताः

हे मतःगु खँ नं कनादीगु दु।

बजेट दयेकेगु नितिं थीथी वडा थःगु हे कथं तयारी यायेधुंकूगु दुसा मेयर साह बैठक सःतेवं बजेट दयेकेगु समस्या मवइगु खँ नं वडा अध्यक्षपिसं धाःगु दु। वय्कःपिसं थीथी वडायात माःगु योजना ल्ययेगु ज्या जुइधुंकूगु धासें मेयर साहया कारणं यँ महानगरपालिकाया ज्या हे ठप्प जुइगु अवस्था वइगु बांलाःगु ज्या मखु धकाः धयादीगु दु।

असार महिनाया दुने बजेट पारित यायेमफइगु अवस्थाय् यँ महानगरपालिकाया कर्मचारीतय् तलब नकेगु ज्या तकं प्रभावित जुइ फइगु खँ नं वडा अध्यक्षपिसं धाःगु दु। थ्व स्वयां न्हयः मेयर साह प्रमुख प्रशासकीय अधिकतयात कारवाही यायेवं स्वला तक बजेट नये मफइगु अवस्था वःगु खःसा उगु इलय् उपमेयर सुनिता डंगोल सहित वडा अध्यक्षपिं महानगरया कर्मचारीतय्सं प्रमुख प्रशासकीय अधिकृतया हाजिर याकेवं बजेट नयेगु व्यवस्था जूगु खः। तर आः बजेट हे मवःनिगु कारणं यानाः कर्मचारीतय्सं साउन महिनां निसें खर्च यायेत समस्या जुइगु खँ नं धाःगु दु।

१३ वडाय् पद्मरत्नया इवाता

लहना वाःपौ/ नेवाः न्हयलुवा लिसें वरिष्ठ मानव अधिकारवादी, राजनीतिज्ञ पदमरत्न तुलाधरया इवाता यँ महानगरपालिका १३ वडा कालिमाती टंकेस्वरय् पलिस्था याइगु जूगु दु।

यँ महानगरपालिका १३ वडाया वडाध्यक्ष ध्रुवनारायण मानन्धरलिसें मदुम्ह तुलाधरया छँ जःपिं च्वनाः इवाता पलिस्था यायेगु लागाय् शिलान्यास याःगु खः। इवाता

पलिस्था यायेगु नितिं पद्मरत्न तुलाधर सालिक निर्माण उपभोक्ता समिति नीस्वंगु दु। तुलाधरया पूर्णकदया इवाता तयार जुइधुंकूगु व आः उगु इवाता धस्वाकेगु नितिं थां दयेकेगु ज्या जुयाच्वंगु दु।

थ्व स्वयां न्हयः तत्कालीन यँ महानगरपालिकाया मेयर विद्यासुन्दर शाक्य शंखधर उद्यानय् तुलाधरया फयेतुनाच्वंगु इवाता पलिस्था यानादीगु खः।

Trendiest Fashion
At Price You Love

ufo the clothing store
#EMPRESSION/HAUTITUDE

तान्त्रःया पासा
कुल्फी व आइसक्रीम
भपिया दिस्सँ।

Himalayan Ice

घौ, दुरु, छ्याः, बटर व
क्रिम बजारय् उपलब्ध दु

सूर्यविनायक नगरपालिका, वडा नं. १, सिक्टर धनसार, खप्त
४२०८६०८७२५, ४२४४६४८३२५



नेवा: राष्ट्रिय म्ये

च्वमि : दुर्गालाल श्रेष्ठ लय् चिनामि : तिर्थ माली

धुन दने धुन सँन्ध्यलं भी फुक्कं हे छम्ह जुइ धुन
भीगु लागाय् भी स्वयं हे जः जुया धुन लुइ धुन
ह्यांगु भुमिइ अष्टमण्डल ह्यांगु चाः दुने थी नगु
भीगु नेवाः ध्वँय् थ्व हे खः ज्यान भी सकस्यां छगू
जातितय् स्वायत्त राज्यं लुइ कपं च्वय् भिलिभिलि
राष्ट्र भःभः धाय्क न्ह्याके भीगु चःति भीगु हिं

सम्पादकीय



स्वास्थ्य ख्यलय् सुधार

नेपाःया संविधानं प्रत्येक नेपाःमि नागरिकया मौलिक हक कथं आधारभूत स्वास्थ्य सेवा स्थापित याःगु दु । संविधानं स्वास्थ्य सेवाया नापनापं मेमेगु आपालं क्षेत्रय् मौलिक हकया व्यवस्था यानातःगु दु । संघीय लोकतान्त्रिक गणतान्त्रिक अभ्यासया थ्व दशकय् संविधानं प्रत्याभूति यानातःगु फुक्क मौलिक हक समान रुपं कार्यान्वयन जुइ फयाच्चंगु मदु। ग्यारेन्टी यानातःगु मौलिक हकयात कार्यान्वयन यायेत पर्याप्त स्रोत व संरचना दयेमाः । सीमित स्रोत व संरचनां फुक्क मौलिक हकयात समान रुपं कार्यान्वयन याये फयाच्चंगु मदु । गुलिखे लागाय् मौलिक हकया कार्यान्वयनय् आशाजनक रुपं गति काःगु दु । उकी मध्ये स्वास्थ्य क्षेत्रय् नागरिकं कायेमाःगु मौलिक हकया कार्यान्वयनय् गति वयाच्चंगु दु । उलि जक मखु वंगु छगू दशकय् देय्या स्वास्थ्य पूर्वाधारय् धिसिलाःगु प्रगति जूगु दु । छगू इलय् छुं जटिल ल्वय् या नितिं जक मखु, सामान्य ल्वय्या नितिं नं विदेश वनेमाःगु बाध्यता दुगु खः । आर्थिक क्षमता दुपिं तकं भारत, थाइल्याण्ड वनेगु याः । नेपालय् उपचारया व्यवस्था मदुगुलिं ध्येवा दुपि विदेश वनेगु बाहेक मेगु विकल्प मदुसा ध्येवापि थःगु ल्वय् नाप स्वायेमाल । आः वयाः थीथी ल्वय्या नितिं विदेश वनेमाःगु बाध्यता मन्त । उलि जक मखु विदेशीत नं वासः यायेगु नितिं नेपालय् वयेगु सुरु जूगु दु । नेपाः स्वास्थ्य पर्यटनया सम्भावना दुगु देय् जुयाच्चंगु दु । स्वास्थ्य क्षेत्रय् जूगु सुधारया कारणं हे थुज्वःगु प्रगति सम्भव जूगु खः ।

सरकारं ग्वाहालिया वातावरण नं दयेकूगु दु । नुगःचुया उपचार बांलाना वल । सरकारी व निजी क्षेत्रपाखें नुगःचुया वासः व शल्यक्रियाय् बांलाःगु प्रगति जूगु दु । नेपालय् नं लिभर ट्रान्सप्लान्ट जुइगु शुरु जूगु दु । बांलाःगु पूर्वाधारया लिसैं मिखा व वाया उपचारय् नं सेवा विस्तार जूगु दु । मिखाया उपचारय् नेपालं हलिमय् नां जायाच्चंगु दु । वाया उपचार दंगु व अक्वः भरोसा याये बहःगु जुयाच्चंगु दु । थुपिं लागाय् नेपाःमितय्त वासः यायेगु सुविधा दयेधुंकूगु दु, अले विदेशय् च्वनाच्चपिं नेपाःमि व विदेशी नागरिकत नं वासः यायेगु नितिं नेपाः वयेगु शुरु जूगु दु । जलास्थ्ये प्रत्यारोपण याये न्ह्यः डायलासिसया तसकं महत्व दु । थ्व सेवा नं व्यापक जुयावंगु दु । सरकारं नं आर्थिक ग्वाहालि यानाच्चंगु दु । ख्वपय् च्वंगु शहिद धर्मभक्त राष्ट्रिय प्रत्यारोपण केन्द्रं मिर्गौला व कलेजो प्रत्यारोपणय् बांलाःगु सफलता चूलाकाच्चंगु दु । थज्याःगु दसुत यक्व दु । छुं स्वास्थ्य सेवाया नितिं भारत व बंगलादेशं नं विरामी नेपाः वयेगु सुरु जूगु सकारात्मक पक्ष खः । मिखाया उपचारय् आकर्षणय् तःधंगु वृद्धि जूगु दु ।

क्षेत्रया ल्याखं नेपालय् छगू दशक न्ह्यः तक मिर्गौला प्रत्यारोपण सम्भव मजूगु खः । आः प्रत्यारोपणया नितिं विदेशय् वने म्वाल । क्यान्सरया उपचार भन हे जटिल जुल । नेपालय् छुं हे पूर्वाधार मदुगु खः । नेपालय् क्यान्सरया उपचार सम्भव जुजुं वनाच्चंगु दु ।

निक्वःगु अन्तर्राष्ट्रिय मातृभाषा पत्रकारिता सम्मेलन छगू दुवाला



नृपेन्द्रलाल श्रेष्ठ

नेपालय् मातृभाषा पत्रिका प्रकाशन जूगु सखि छुं दयेधुकूगु दु । धर्मादित्य धर्माचार्य प्रकाशन व सम्पादक जुयाः कलकत्ता बि.सं. १०८१ य् पिहावःगु बुद्ध धर्म पत्रिका नेपाःया इतिहासय् मातृभाषां न्हापागु पिहावःगु पत्रिका जूगु दुसा धर्मादित्य धर्माचार्य न्हापाम्ह मातृभाषाया पत्रकार जूगु दु ।

नेपालय् पत्रकारिताया इतिहास स्वयेगु खःसा आपाः पुलांगु खनेमदु । जुद्ध शुम्शेर १२७ दँ न्ह्यः बेलायतं लिहां वयाः गिद्धे प्रेस हयाः पत्रिका छापे यानाः न्ह्याःगु खनेदु । अथे स्वयेगु खःसा नेपालभाषाया पत्रकारिता न्ह्याःगु नं सखि व छुं क्पने धुकूगु दु । बुद्ध धर्म पत्रिका भारतया कलकत्तां पिहावःगु खःसा नेपालय् थौंनन्ह्य लय्पौ बि.सं. २००८ सालय् पिहांवःगु खः ।

नेवाः पत्रकार राष्ट्रिय दबूया स्थापना लिपा नेपालभाषा पत्रकारिता बहस न्ह्याःगु दु । न्हापा नेपालभाषाया संचार ख्यः साहित्यकपाखे जक न्ह्यानाच्चंगु खःसा लिपागु इलय् पत्रकारतय्त संगठित यानाः न्ह्याःवनाच्चंगु दु । यलया पूच्चय् धर्मादित्य धर्माचार्य बुद्ध धर्म पत्रिका प्रकाश याःगु दियात कयाः पत्रकार दबूलि वंगु भिदै न्ह्यः दकलय् न्हापां प्रकाशन दिवस कथं हंगु खः । धर्मादित्य धर्माचार्यया बुदिं हना ज्याइवः थौतक निरन्तर न्ह्यानाच्चंगु दु ।

पत्रकारिता राष्ट्रिय सम्मेलन

नेवाः पत्रकार राष्ट्रिय दबू मातृभाषा पत्रकारितायात कयाः न्हापांगु मातृभाषा पत्रकारिता राष्ट्रिय सम्मेलन २०७५ सालय् याःगु खः । नेपाल आदिवासी जनजाती पत्रकार महासंघ (फोनिज) या ग्वाहालि यैया पर्यटन बोर्डय् छगू तःजिक ज्याभूवः याःगु खः । उगु ज्याभू वलय् फोनिज नापं गोरखापत्रय् नयाँ नेपालय् थीथी भाषां ज्या याइपि २६ गू भाषाभाषीया पत्रकारतय्स ब्बति काःगु खः । ज्याःगू जातीय संगठन नाप २६ गू भाषिक पत्रकारतय्स ब्बःति काःगु उगु ज्याभूवल्य् ब्यापक सहलह लिपा नेपाःया दकलय् न्हापाम्ह मातृभाषा पत्रकार धर्मादित्य धर्माचार्य व न्हापांगु पत्रिका बुद्ध धर्म पत्रिका जूगु दु ।

अन्तर्राष्ट्रिय मातृभाषा पत्रकारिता सम्मेलन

नेपालभाषा पत्रिका पिहांवःगु दियात कयाः नेवाः पत्रकार राष्ट्रिय दबू २०८१ जेठ १९ व २० गते दकलय् न्हापांगु अन्तर्राष्ट्रिय मातृभाषा पत्रकारिता सम्मेलन याःगु खः । मातृभाषां पत्रिका पिहांवःगु सखि दँ दुगु लसताय् पत्रकार दबू मातृभाषा पत्रकारिता शताब्दी हनेगु निर्णय याःगु खः । अथे हे थीथी ज्याभू वः यानाः मातृभाषा शताब्दी दिवस हनेगु निर्णय याःगु खः । नेपाः नाप

भारत, बंगलादेश व भुटानया १०० म्ह मल्याक पत्रकारिपंस निन्हुयंक जूगु सम्मेलनय् च्यागू बुदाँया घोषणा पत्र जारी यासे क्वचाःगु खः ।

नकतिनि हे क्वचाःगु निक्वःगु अन्तर्राष्ट्रिय मातृभाषा पत्रकारिता सम्मेलन जेठ ३० व ३१ गते प्रतिनिधिसभाया सभामुख देवराज घिमिरेया मूपाहाँ सुइ यलया राष्ट्रिय प्रकृति संरक्षण कोषय् उलेज्याभूवः जूगु खःसा मध्यपुर थिमि नगरपालिकाया मेयर सुरेन्द्र श्रेष्ठया मूपाहाँसुइ थिमि ब्वेक्वटय् समापन ज्याभूवः जूगु खः ।

मातृभाषा संरक्षणया निति पत्रकारिता धइगु नारा बिया निक्वःगु अन्तर्राष्ट्रिय मातृभाषा पत्रकारिता

ख्यलय् मातृभाषा पत्रकारिताया वर्तमान अवस्था, चुनौती व सम्भावनाया बारे बांलाक अध्ययन यायेमाः । सरकार व प्रविधि प्लेटफर्म मातृभाषा पत्रकारितायात अनलाइन प्रवर्द्धन याना डिजिटल उपकरण, फन्ट न भाषा अनुवाद प्रशोधन प्रविधिइ लगानी यायेमाःगु व स्थानीय मिडिया आउटलेटय् मातृभाषाया डिजिटल ढाँचाय् प्रसार यायेत समर्थन बिइमाः व मातृभाषा पत्रकारिताया प्रवर्द्धनया नितिं ज्या याइगु राष्ट्रिय व क्षेत्रीय पत्रकार संघयात मान्यता बिइमाः व उमिगु पहुँच व पैरवी विस्तार यायेत आर्थिक ग्वाहालि यायेमाःगु धकाः न्हयगू बुँदाया घोषणा पत्र जारी याःगु खः ।



पत्रकार दबू न पूच्चःया धर्मादित्य धर्माचार्यया भ्वाताय् वंगु किंनिदै न्ह्यः दकलय् न्हापां प्रकाशन दिवस धकाः सुरु याःगु थौं अन्तर्राष्ट्रिय स्तरय् थ्यःगु दु ।

सम्मेलन जूगु खः । सम्मेलनय् मातृभाषा पत्रकारिता कयाः बहस नाप सहलह जूगु खः । उगु ज्याभूवल्य् न्हयगु बुदाँया घोषण पत्र जारी जूगु खः । न्हय गू बुदाँया घोषणा पतिइ धर्मादित्य धर्माचार्यया उत्कृष्ट योगदानयात कदर यायेमाःगु, धर्मादित्ययात नेपाल सरकारं विधिवत सम्मान व मान्यता बिइमाः माग याःगु खः । नेपाल सरकार नापं सार्क सरकारया प्रमुखिपंस मातृभाषा पत्रकारिता यानाच्चपि पत्रकारतयगु अधिकारयात रक्षायायेमाःगु, मातृभाषाया मिडिया नीति तर्जुमा यानाः लागू यायेमाःगु व मातृभाषापाखे सञ्चालन जुयाच्चंग मिडिया आउटलेटया विकास व दिगोपनयात कयाः बजेट ग्वाहालि यायेत इनाप याःगु दु । अथे हे सरकारं मातृभाषा पत्रकारितायात सामाजिक न्याय व सांस्कृतिक संरक्षण साधनया कथं मान्यता बिइमाःगु व प्रवर्द्धन यायेमाःगु, उगु समुदाय याःगु थःपिनिगु सः थ्वथेकेत, सान्दर्भिक बुखँ व जानकारी कायेगुलि पहुँच थ्वथेकेत प्लेटफर्म सुनिश्चित यायेमाःगु । मातृभाषा ज्या याइपि पत्रकारतयगु नितिं नियमित प्रशिक्षण ज्याइवः, कार्यशाला व फेलोशिप आयोजना यायेगु नितिं तत्काल पलाः ल्हवनेमाःगु ।

संयुक्त राष्ट्र संघ, युनेस्को, अन्तर्राष्ट्रिय गैरसरकारी संस्थां विकास साभेदारयात थःगु विकास एजेन्डा व कोष प्राथमिकताय् मातृभाषा पत्रकारिता समावेश यायेमाःगु, प्राविधिक ग्वाहालि यायेमाःगु, क्षमता अभिवृद्धिइ ग्वाहालि यायेत व ग्रासरूट मिडियाया नितिं स्रोत परिचालन यायेत इनाप याःगु खः ।

विश्वविद्यालय, संचार सम्वद्ध संस्था व अनुसन्धान निकायतय्स थुगु

पत्रकार दबू न पूच्चःया धर्मादित्य धर्माचार्यया भ्वाताय् वंगु किंनिदै न्ह्यः दकलय् न्हापां प्रकाशन दिवस धकाः सुरु याःगु थौं अन्तर्राष्ट्रिय स्तरय् थ्यःगु दु । नेपाःया न्हापाम्ह मातृभाषा पत्रकार धर्मादित्य धर्माचार्य ।

निक्वःगु अन्तर्राष्ट्रिय मातृभाषा पत्रकारिता सम्मेलन लिपा आः मेमेगु संस्था न मातृभाषा पत्रकारिता ख्यःयात कयाः ज्या न्ह्याकेमाःगु सः थ्वःगु दु । नेपाल आदिवासी जनजाती पत्रकार महासंघ (फोनिज) या महासचिव समिर बलामि आः स्वक्वःगु सम्मेलन फोनिज यायेधकाः घोषणा यानादीगु दु । अथेहे बंगलादेशया रफिककुल इस्लाम आजाद आः वइगु फेब्रुअरी २१ तारिखय् अन्तर्राष्ट्रिय मातृभाषा दिवसय् बंगलादेशय् नं मातृभाषा पत्रकारिताया ज्याभूवः यायेधकाः बचं बियावंगु दु । भारतया डा.शशिभुषण कुमार वइगु जनवरी वैशालीइ नं बजिका भाषायात कया मातृभाषा पत्रकारिता सम्मेलन यायेगु धकाः घोषणा यानादीगु दु ।

मातृभाषा संरक्षणया नितिं पत्रकारिता नारा बियाः न्ह्याकूगु निक्वःगु अन्तर्राष्ट्रिय मातृभाषा पत्रकारिता सम्मेलन ताःलागु दु । भाषा संरक्षण यायेगु नितिं पत्रकारिताया तःधंगु भूमिका दइ । थज्याःगु ज्याभू वः न मातृभाषा पत्रकारिता बिकास जुइगु भलसा कयाः न्ह्याः वनेफइ ।

नेपालभाषाया संचार ख्यः स्वयेगु खःसा मेमेगु जनजाति स्वयां न्ह्यःने खनेदु । सरकारी संचार गोरखापत्र, रेडियो नेपाल, नेपाल टेलिभिजन व राष्ट्रिय समाचार समिति नं नेपालभाषा दुथ्यानाच्चंगु दु । अथे हे प्रेस काउन्सिल नेपालं न च्यागू भासं पत्रकार आचार संहिता प्रकाशन यायेधुकूगु दु ।

[illegible]





मौद्रिक नीति व अर्थतन्त्रया निष्क्रिय रक्तसञ्चार : छु नेपालं रणनीतिक सुधार याये फइला ?



रमेश कुमार बोहोरा

डिजिटल बैंकिङया क्षेत्रय् धाःसा छुं सठभावना खनेदुगु दु । राष्ट्र बैंक डिजिटल बैंकया लाइसेन्स बीगु तयारी यानाच्चंगु दु । सन् २०२५ या अन्त्य तक स्वंगू डिजिटल बैंकया प्रारम्भिक अनुमति बीगु संकेत खनेदु । तर उकिया नितिं कानुनी संरचना, साइबर सुरक्षा, ग्रामीण पहुँच व वित्तीय साक्षरता अभिवृद्धि अनिवार्य शर्त खः ।

नेपाल राष्ट्र बैंक वइगु आर्थिक दै २०८२/०८३ या नितिं मौद्रिक नीति दयेकेगु ज्या न्ह्याकूगु दु । प्रारम्भिक बहस न्ह्यायेधुंकूगु दुसा मू न्ह्यसः धाःसा ल्यानाच्चंगु दु छु नेपालं स्वतन्त्र, वैज्ञानिक व देय्या आर्थिक यथार्थय् आधारित मौद्रिक नीति हयेफइला ?

नेपाः थेंज्याःगु आयातमुखी व विकासोन्मुख अर्थतन्त्रय् मौद्रिक नीति गुगुं अमूर्त दस्तावेज मखु । थ्व वित्तीय स्थायित्व, मुद्रास्फीति नियन्त्रण, ब्याजदर व्यवस्थापन, रोजगारी ब्वलंकेगु व समग्र लगानीया वातावरणयात लिच्वः लाकीगु नीतिगत ल्वाभः खः । तर आः तकया अभ्यासं मौद्रिक नीतिया प्रभावकारितायात कयाः गम्भीर न्ह्यसः थंगु दु ।

विनिमय दर भारतीय ध्यबा लिसे स्थिर (पेग) जुयाच्चंगु अवस्थाय् नेपालं स्वतन्त्र मौद्रिक नीति सञ्चालन याये फइमखु । थुगु संरचना महिउतले मौद्रिक नीतिया कक्षाय् लिक्नुनाच्चनी । आर्थिक संरचना नं असन्तुलित दु आयात अप्वः, निर्यात कमजोर व विदेशी मुद्राया मू स्रोत रेमिटेन्सय् निर्भरता दुगु अवस्थाय् मौद्रिक नीति दयेकेगु थाय् म्हो जक दु ।

थौकन्ह्य विश्व अर्थतन्त्र हे अनिश्चितता व सुस्त जुयाच्चंगु दु । सन् २०२५ या शुरु जुइवं विश्व बैंक विश्व आर्थिक वृद्धि दर २.३ प्रतिशतय् लिक्नु प्रक्षेपण याःगु खः गुगु न्हापांगु दशकया दकल्य् म्हो खः । अमेरिका, युरोप, चीन, भारत थेंज्याःगु देय्तरय्सं आन्तरिक उपभोगयात बल्लाकाः मौद्रिक नीतिइ क्वातुकेधुकल । तर नेपालय् धाःसा मौद्रिक नीति अभ्र नं संरचनात्मक अस्पष्टता, कार्यान्वयनया शिथिलता व नियामक कमजोरीया बन्दी थें जुयाच्चंगु दु ।

नेपाःया वाणिज्य बैंकतय्के अभ्र नं थ्यंमथ्यं ६ खर्ब ५० अर्ब तक बराबरया तरलता दु । तर त्यासाया माग खास हे खनेमदु । सन् २०२४ या लिपांगु इलय् बैंकतय्सं घोषणा याःगु न्ह्यु योजनाय् लगानीकर्ताया मिखां मवं । ब्याजदर म्हो जूसां नं व्यवसायी उत्साहित खनेमदु । राजनीतिक अस्थिरता, नीतिगत अनिश्चितता, कर प्रणालीइ जटिलता व बजाःया विश्वास संकट थुकिया मू कारण खः ।



नेपाल राष्ट्र बैंक चालु पूँजी त्यासा (Working Capital Loan) व्यवस्थाय् सुधार हयेगु संकेत बिउगु दु । तर बैंकतय्सं अभ्र नं त्यासाय् कठोर शर्तत तयेगु यानाच्चंगु दु । व्यवसायी चालु पूँजीया नितिं माःगु दस्तावेज, दि व जटिल प्रक्रिया फयेमालाच्चंगु दु । गुकिं यानाः वित्तीय पहुँच लिक्नुनाच्चंगु दु । थज्याःगु अवस्थाय् मौद्रिक नीति स्पष्ट, सरल व व्यावसायिक अनुकूल वातावरण ब्वलंकी कथंया प्रावधान हयेमाः ।

डिजिटल बैंकिङया क्षेत्रय् धाःसा छुं सम्भावना खनेदुगु दु । राष्ट्र बैंक डिजिटल बैंकया लाइसेन्स बीगु तयारी यानाच्चंगु दु । सन् २०२५ या अन्त्य तक स्वंगू डिजिटल बैंकया प्रारम्भिक अनुमति बीगु संकेत खनेदु । तर उकिया नितिं कानुनी संरचना, साइबर सुरक्षा, ग्रामीण पहुँच व वित्तीय साक्षरता अभिवृद्धि अनिवार्य शर्त खः । नगदरहित कारोबार प्रवर्द्धनया नितिं स्मार्ट पे नेपाल, क्यूआर प्रणाली, मोबाइल वालेट आदि छ्यलेगुलिइ छुं भचा अप्वःगु खनेदुसां नं उकिया प्रभाव ग्रामीण व असञ्जित क्षेत्रय् अभ्र नं कमजोर खनेदु ।

न्हूमह गभर्नर डा. विश्वनाथ पौडेल पदभार सम्हाले यायेधुंकाः मौद्रिक नीति प्रति आशा ब्वलंगु दु । तर यथार्थ कठोर दु राष्ट्र बैंकया न्ह्यःने न्यागू हाथ्याः । न्हापां नेपाःयात 'एफएटिएफ' या ग्रे लिस्टय् वने मबीत प्रणालीगत सुधार यायेगु । निगूगु निष्क्रिय पूँजीयात उत्पादनय् रूपान्तरण याये कथंया नीति हयेगु । स्वंगुं बैंकिङ प्रणालीइ ब्याजदर स्थायित्व हयेगुया लिसें यथार्थपरक उपाय नालेगु । प्यंगू अर्थ मन्त्रालयलिसे

समन्वय यानाः नीति स्पष्टता कायम यायेगु व न्यागूगु निजी क्षेत्र व आम नागरिकया विश्वास कायेगु ।

वंगु छुं दै न्ह्यवानिसें सरकारया पुँजीगत खर्च २० प्रतिशत स्वयां क्वय् कुहां वःगु दु । बजेटया तःधंगु ब्व तलब, भत्ता व प्रशासनिक खर्चय् खर्च यायेगु प्रवृत्ति विकास बजेट कयेकूगु दु । निर्माण व्यवसायीतय् भुक्तानी मबीगु सरकारी ढिलासुस्ती निजी क्षेत्र कुहां वंगु दु । गुकिया प्रत्यक्ष लिच्वः कर्जा प्रवाह व आर्थिक गतिशीलताय् लाःगु दु ।

सहकारी क्षेत्रय् खनेदुगु अनियमितता नं समग्र वित्तीय प्रणालीइ खतरा जुयाच्चंगु दु । बीउं पुँजीया रूपय् परिचालित जुइमाःगु निक्षेप सहकारी सञ्चालकतय्सं दुरुपयोग याःगु, निक्षेपकर्तातय् फसे याःगु व नियमनकारी संयन्त्र कमजोर दुगु यथार्थ वित्तीय प्रणालीइ हे विश्वासया संकट ब्वलंकूगु दु ।

बीमा, सेयर बजार, रियलस्टेट थेंज्याःगु क्षेत्रय् खनेदुगु मन्दी औपचारिकलिसें अनौपचारिक बजारय् तक नकारात्मक लिच्वः लाकूगु दु । लगानीकर्तायाके आः ध्यबाया अभाव मखु विश्वासया अभाव खनेदु । गुगु मौद्रिक जक मखुसें समग्र आर्थिक योजनाया त्रुटिपूर्ण स्वरूपया लिच्वः खः ।

थौया आवश्यकता ब्याजदर व त्यासाय् सीमित मौद्रिक नीति मखु । उत्पादन, रोजगारी, निर्यात प्रवर्द्धन व वित्तीय समावेशीतायात केन्द्रय् तइगु समन्वयात्मक, पारदर्शी व समावेशी मौद्रिक नीति खः । बैंकिङ प्रणालीया

नियमन पारदर्शी दयेकेत राजनीतिक हस्तक्षेप मुक्त यायेगु व निगरानी संयन्त्रयात सक्रिय दयेकेमाःगु दु ।

डिजिटल बैंकिङया सम्भावना लिसें जोखिम नं दु । साइबर सुरक्षाया जोखिम, ग्रामीण क्षेत्रय् प्रविधिया पहुँच, जनताया वित्तीय बुझाइ व छ् यलेगु व्यवहारयात मस्वसें काइगु नीति अल्पकालीन आकर्षण ला जुइ तर दीर्घकालीन समस्या हयेफु । डिजिटल रूपान्तरणया नितिं पूर्वाधार, शिक्षा व व्यवहार सुनिश्चित जुइमाः ।

अन्ततः मौद्रिक नीति आः गुगुं बन्द कोठाया प्रविधिक दस्तावेज जुइ मजिउ । अर्थ मन्त्रालय, उद्योग वाणिज्य तथा आपूर्ति मन्त्रालय, निजी क्षेत्र, कर प्रशासन व आम जनताया सरोकार कःघाइगु समन्वयात्मक दृष्टिकोण अपरिहार्य दु । मुद्रास्फीति नियन्त्रण, उत्पादन वृद्धिइ प्रेरणा, त्यासा बीगुलिं सुधार, बैंकिङ प्रणालीइ विश्वास व वित्तीय अनुशासनया पक्षय् स्पष्ट दिशा मबिउतले मौद्रिक नीति केवल 'संकेतपत्र' जक जुइ ।

राष्ट्र बैंक आः थःत केवल नियामकया भूमिकाय् लिक्नुके मजिउ । न्हू नेतृत्व थुगुसीया मौद्रिक नीतियात केवल बैंकतय्गु नितिं निर्देशात्मक मापदण्ड दयेकेगु मखुसें अर्थतन्त्र पुनर्जीवन याइगु योजनात्मक दस्तावेज दयेकेगु हिम्मत क्यनेमाः । मखुसा मौद्रिक नीतिया आलोचना हाकन नं जुयातुं च्वनी ।

(चुमि :- बोहोरा अर्थ सवाल साप्ताहिकया सम्पादक लिसें नेपाल पत्रकार महासंघ येँ जिल्ला शाखाया सचिव नं जुयादी)

हरेक मंगलवाः
राष्ट्रियताको लागि समर्पित



मेरो साप्ताहिक

मेरो साप्ताहिक Mero Saptahik

माला: माला: ब्वनादिसँ ।



Sweet Cave

(जीवन दाईया पसः)

Kalimati, Kathmandu, Nepal

Tel: 4275511, 9741112777, 9851063000

यहाँ भोज तथा पार्टीहरूको लागि चाहिने स्पेशल दही, पनिर, लाखामरी, लालमोहन, बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस् ।

आउटडोर भेज क्याटरिङ पनि गरिन्छ ।

देवबहादुरया लुमन्तिइ हिदान



लहना वाःपौ/ महुम्ह देवबहादुर डंगोलया ८९ क्वःगु जन्म दिवसया उपलक्ष्यय् शैक्षिक सामाग्री हस्तान्तरण लिसे बृहत हि दान ज्याइवः क्वचाल । सुधियो भन्तेया मूपाहांसुइ जूगु ज्याइवः यल महानगरपालिका वडा नं. २१ स्थित खोकनाया जितापुर

गन्धकुटीइ जूगु खः ।

श्री रुद्रायणी माध्यामिक बिद्यालय व श्री युवा प्रतिभा विद्या मन्दिर विद्यालयया भिम्ह विद्यार्थीतय्त छात्रवृति नं बिउगु खः । देवबहादुर डंगोल स्मृति कोषया ग्वसालय् बृहत रक्तदान ज्याइवः जूगु खः । हिदान

ज्याइवल्य मुक्कं ४८ म्हेस्यां हिदान याःगु खः ।

ज्याइवल्य समिति श्री जितापुर/गन्धकुटी बिहार/, ज्यापु महागुथि, लिधंसा सहकारी संस्था लिमिटेड, मनचिन्तन भजन खलः व श्री रुद्रायणी देपा दाफा खलःपाखे न्हू दुजःतय्त वैधानिकता बिउगु खः ।

मदम्ह देवबहादुर समाजया न्ह्यलुवा धासैं खोनाया कलाकार कार्टुनिष्ट मोहन श्याम खोकनां देवबहादुर स्मृति कोषया निती न्याद्वः तकाया ग्वाहालि यानादीगु खः ।

खोनाया गौरव, समाजसेबी लिसे शिक्षाप्रेमी महुम्ह देवबहादुर डंगोल थःगु जीवनकालय् शैक्षिक, सांस्कृतिक, भाषिक व धार्मिक क्षेत्रय् न्ह्यथनाबहःगु योगदान यानादीगु दु ।

चलचित्र महोत्सवय् नेवाः डकुमेन्ट्री सर्वोत्कृष्ट

लहना वाःपौ/ आदिवासी जनजाति चलचित्र महासंघया ग्वसालय् स्वन्हुयंक जूगु न्याक्वःगु नेपाल आदिवासी जनजाति चलचित्र महोत्सवय् नेवाः समुदायया “सिक्किंग सिभिलाइजेशन अफ काठमाडौं भ्यालि” डकुमेन्ट्री सर्वोत्कृष्ट डकुमेन्ट्री सिरपा त्याकुगु दु । थ्व डकुमेन्ट्रीया च्वमि, परिकल्पनाकार व निर्देशक ओम चरण अमात्य खःसा सह निर्देशक व किरपालुमि लुजः सिंह खः । थ्व महोत्सवय् मगर समुदायया “खिल” यात सर्वोत्कृष्ट शर्टफिल्म सिरपा बिउगु दु ।

असार ६ गतेनिसैं न्ह्याना आइतबार क्वचागु महोत्सवय् लिम्बु भाषाया “वे” सर्वोत्कृष्ट चलचित्र सर्वोत्कृष्ट निर्देशक या सिरपा त्याकेत तालागु खः । थ्व फिल्मया निर्देशक सागर केरुङ खः ।

अथेहेतुं मगर भाषाया “टू याङ्गचलाक” या च्वमि मेक बहादुर पुन मेजनयात सर्वोत्कृष्ट पटकथाकार व गुरुङ भाषाया “मि थों”या राज बहादुर गुरुङ राजेशयात सर्वोत्कृष्ट छायाङ्कन सिरपा बिउगु खः ।

सञ्चार तथा सूचना प्रविधिमन्त्री



पृथ्वी सुब्बा गुरुङ मूपाहाँ कथं भ्रयादीगु उगु ज्याइवल्य आदिवासी जनजाति भायया फिल्म यात्रा शुरु याःगु नेवाः भायया फिल्म खः तर आः वया नेवाः फिल्म मेमेगु आदिवासी जनजाति मातृभाषी फिल्म सिबें लिउने लाना च्वंगु खँ न्याना दुखः ताल धका धयादिलसा नेवाःफिल्मकःमि तयेत फिल्म दुने आदिवासी पहिचान ल्ह्वनेत व फिल्मख्यःया नापनाप भाषिक ख्यः च्वन्ह्याकेत इनाप यानादिल ।

वय्कलं राष्ट्रियसभाय पेस जूगु ‘चलचित्र नीति’ छलफलया क्रमय् दूगु व आदिवासी जनजाति चलचित्र प्रवर्द्धन यायेत माक्वः प्रावधान मदुधाःगु न्यना उकि आवश्यक पक्ष दुथ्याकेगु प्रतिबद्धता प्वकादिल ।

थ्व ज्याइवल्य नेपाःया सकिपा

पत्रकारिताका ख्यलय् ज्वमदुगु योगदान यानादीम्ह महासंघया संस्थापक उपाध्यक्ष विजयरत्न तुलाधर असंबरे यात महासंघपाखें विशेष सम्मान नं देछागु खः । महोत्सवया निर्णायकय् अग्रज पत्रकार विजयरत्न तुलाधर, प्रथम महिला छायाँकार शबनम मुखिया व तामाङ्ग फिल्मया अग्रज निर्देशक हिरालाल ब्लोन च्वनादीगु खः । आयोजकपाखें महासंघया कार्यवाहक अध्यक्ष भुइसाल लामाया अध्यक्षताय् जूगु समापन समारोहय् महोत्सव निर्देशक प्रतिमाया पुन मगर, चलचित्र विकास बोर्ड अध्यक्ष दिनेश डि सि, महासंघ का पूर्व अध्यक्ष अमृत सुनवार, पुर्व सांसद रिता माझी निर्णायक विजयरत्न तुलाधरपिन्सं नुगःखँ तयादीगु खः ।

१८ वडा सीपमूलक तालिम



लहना वाःपौ/ यें महानगरपालिका १८ वडाया ग्वसालय् थीथी सिपमूलक तालिम शुरु जूगु दु । १८ वडापाखें छगू हे थासय् उद्यमशील विकास, रोजगारमूलक, स्वरोजगार मूलक व समाज व्यवस्थापनलिसे सम्बन्धित थीथी न्हयगू विधाय् तालिम बिउगु खः । तालिमय् ग्वारा साब्वं व भोल साब्वं दयेकेगु, सरफ दयेकेगु, कापःया लाकां सुइगु, रेशम काया थीथी हलंज्वलं दयेकेगु व बेकरी दयेकेगु तालिम बिउगु खः ।

प्रत्येक विधाय् नीन्याम्ह प्रशिक्षार्थी दुथ्याकाः तालिम बिउगु खः । तालिम उलेज्या यानादिसैं १८ वडाअध्यक्ष न्हुछेकाजी महर्जन

‘छगू वडा छगू नमूना उद्यम’ लिसे सम्बन्धित सिप विकास याकेगु, विपद् व्यवस्थापनय् स्थानीयया क्षमता विकास याकेगुलिसें थीथी क्षेत्रया तालिम संचालन यानागु जानकारी बियादीगु दु । तालिम उद्यम यायेत इच्छुक स्थानीयवासीयात स्वरोजगार जुइगु, न्हिथंया जीवनयापनया निती जुइगु खर्च म्हो यायेगु व रोजगारया क्षेत्रय् वनीपित ग्वाहालि जुइगु विश्वास प्वकादीगु दु ।

१८ वडापाखें थ्व स्वयां न्ह्यः नं थुकथंया हे तालिम संचालन यायेधुकूगु दु । थ्व स्वयां न्ह्यः तालिम काःपिं योग्य जनशक्तियात हे प्रशिक्षकया भाला बियाः तालिम संचालन याःगु खः ।

पालि भाय् स्यनेगु ज्या क्वचाल

लहना वाःपौ/ बागमती प्रदेश संस्कृति व पर्यटन मन्त्रालयया ग्वाहालि, सभ्यता नेपाःया ग्वसाः व आनन्द भुवन विहारया सहकार्यय् न्ह्याःगु स्वीन्हुयंकया पालि भाषा प्रशिक्षण ज्याइवः क्वचाःगु दु ।

प्रशिक्षण ज्याइवल्य ६२ म्हेसिनं ब्वति काःगु खः । पालि भाय्यात भगवान बुद्धया भाय् नं धायेगु याः । प्रशिक्षणया इवल्य प्रशिक्षार्थीपित परित्राणया मूल पालिया अर्थानुवाद, धम्मपदया मूल पालिया अर्थानुवाद, पालि भाषा व व्याकरण, पालि साहित्यया इतिहास व ग्रन्थबारे स्यनेकने यायेगु ज्या जूगु खः ।

प्रशिक्षण क्वचाःगु लसताय् वंगु शुक्रवाः विहारय् जूगु ज्याइवल्य संस्कृति लिसें पर्यटन मन्त्रालयया सचिव दीपेन्द्र सुवेदी प्रशिक्षार्थीपित दसिपौ लःल्हानादिल । वय्कलं बुद्ध शिक्षाया जिज्ञासुपिसं पालि भाषाया प्रशिक्षण तसकं रुचि तःगु थःम्हेस्यां तायकागु खँ कनादिल । न्हापा थःपिसं पालि भाय् स्यनेगुली बजेट तयाबलय्

स्यनेकने याःवःपिं हे दइला मदइला धयागु शंका जूगु, तर प्रशिक्षण प्रशिक्षार्थीतयगु उत्साह खनाः थःपिसं सही ज्या यानागु थें ताःगु खँ वय्कलं धयादीगु दु ।

प्रशिक्षक डा त्रिरत्न मानन्धर प्रशिक्षार्थीपिनगु नियमित उपस्थिति व अभिरुचि ग्वसाः खलःयात हःपाः जूगु खँ धयादिल । आनन्दभुवन विहारया अध्यक्ष भिक्षु शान्त सिद्धार्थया सभापतित्वय् जूगु समापन ज्याइवल्य सभ्यता नेपाःया नायः रमेशकाजी स्थापितं बौद्ध साहित्य भण्डारयात दुवाला स्वये मदुपिनगु निती थज्याःगु भाषा प्रशिक्षण नियमित कथं न्ह्याकेमाःगु खँय् बः बियादिल ।

ज्याइवल्य प्रशिक्षार्थीतयपाखे मोहिनी चित्रकार व भक्त बहादुर शाक्य थःगु अनुभव न्यंकादीगु खः । ज्याइवल्य ग्वसाः खलःपाखें भिक्षु शान्त सिद्धार्थ संस्कृति मन्त्रालयया सचिव दीपेन्द्र सुवेदीयात पालि भासं च्वयातःगु कृतज्ञपौ लःल्हानाबिज्याःगु खः ।

बजारय् उपलब्ध दु ।

छुं दिंया निती विशेष छुट

मू : १००/- तका

स्वापू

९८५१०९८०९५, ९८४१५७८६०४, ९८५१०८६५६३



विश्वभूमि
विश्वभूमि
विश्वभूमि

२०४६ साल
जनआन्दोलनय्
विश्वभूमि
निधीया भूमिका



कुरेश किरण

रञ्जना लिपिं
पिहाँ वयाच्वंगु
रञ्जना लय्पौ
ब्वनादिसैं/ब्वकादिसैं



प्रचलित नेपाललिपिं पिहाँ वयाच्वंगु
म्हसीका लय्पौ ब्वनादिसैं/ब्वकादिसैं



MHASIKA Monthly | महसीका मासिक

नेवाः हाइकु ख्यःया न्यादँ बुदिं हन



साहित्य व संस्कृति थपू यायेगु ज्याय् सक्रिय जुयाच्चंगु खँ कनादिल। साहित्य ख्यः नं अमूर्त सम्पदा कथं ल्यकेगु, विकास व प्रवर्धन यायेगु आवश्यक जूगु खँ कुलादिल।

वय्कलं आः वइगु आर्थिक दँय् नं थ्व विषयया शिर्षकय् गाककं बजेट फ्यायेगु खँ कनादिल।

हना व्यक्तित्व कृष्णभक्त वोडे हाइकुया सिर्जना याइपिं हाइजिन पिंके हाइकुया सैद्धान्तिक पक्षय् दखल दयेमाःगु खँ कनादिल। लिसें नेपालभाषाया हनेवहःपिं हाइजिनपिनिगु थीथी हाइकुया उदाहरण बिचाः वय्कलं हाइकु गथे जुल कि जुइ धयागु खँ नं कनादिल।

नेपालभाषा एकेडेमिया भाइस चान्सलर लिसें वरिष्ठ समालोचक डा. पुष्पराज राजकर्णिकारं उगु ज्याभू न्वलय् वाचन जूगु हाइकुया समीक्षा यानादीगु खःसा प्रतिभा समाजया नायः लिसें वरिष्ठ हाइजिन वज्रराज शाक्यं बुद्धि सिबे नं दुनुगलं पिज्वःगु भावयात पित ब्वय् फतधाःसा हाइकु सशक्त जुइ धयादिल। न्हूपिं व पुलापिं यानाः ३५ म्ह नेपाः व नेपालं पिनेया नेवाः हाइजिन पिसं ज्याइवल्य् ब्वति काःगु खः।

लहना वाःपौ/नेवाः हाइकु ख्यःया न्यादँ बुदिंया लसताय् कोपुण्डोलया साटोआकि स्मृति भवनय् छगू ज्याइवःया दथुइ “नेवाःहाइकु हना” व “नेवाःहाइकु वाचन” ज्याभू न्वः तःजिक हंगु दु।

नेवाः हाइकु ख्यःया नायः सुरेश प्रधानं लसकुस यानादिसे नेपालभाषा साहित्य ख्यलय् हाइकु विधाः चकनाः वंगु, न्यना वंगु, आपालं न्हू न्हूपिं हाइजिनपिं पिल्वःगु धयागु नेवाः हाइकु ख्यः नी स्वसां निसें खः धकाः धयादिल। उक्तं हे वय्कलं हाइजिनपिं लिसें थुकथं हाइकु ख्यःया

बुदिं न्यायेके दया थः लय्ताया च्वना धकाः धयादिल।

ज्याभूवःया मूपाहां वागमती प्रदेश सरकारया श्रम, रोजगार व यातायात मन्त्री प्रेमभक्त महर्जनं उलेज्या यानादिसें नेपालभाषा साहित्यय् हाइकु विधा थपू यायेगु ज्याय् नीन्यादं न्ह्यःनिसें अनवरत योगदान यानाः वयाच्चनादीमह, नेपालभाषा हाइकुया जातः सफूया श्रष्टा, हाइजिन कृष्णभक्त बोडेयात दोसल्लां न्ययेकाः, “नेवाःहाइकु हना” देखाया हंगु खः।

ज्याभूवल्य् मू पाहां महर्जनं वागमती प्रदेश सरकारं नेपालभाषाया

हाम्रो पहिचानमा हाम्रो गौरव

- नेपाली भाषा र संस्कृतिलाई आत्मसाथ गरौं,
- परम्परा, चाडपर्व, लोककला जोगाऔं,
- मौलिक संस्कृतिमा गर्व गरौं,
- नक्कल होइन मौलिकता अपनाऔं,
- विविधतामा एकता कायम गरौं,
- राष्ट्रको पहिचानलाई सम्मान गरौं।

“हाम्रो पहिचान, हाम्रो स्वाभिमान”



नेपाल सरकार

विज्ञापन बोर्ड

बाढी र पहिरोबाट जोगिऔं

बाढी र पहिरोबाट हुने जोखिमबाट सतर्क बनौं:

- सञ्चार माध्यमबाट मौसमको जानकारी प्राप्त गर्ने गरौं,
- बाढी वा पहिरोको उच्च जोखिम भएको क्षेत्रमा होसियारी अपनाऔं,
- आपतकालीन भोला (औषधि, टर्चलाइट, खानेकुरा र लुगाफाटा) तयार राखौं,
- बालबालिका, वृद्धवृद्धा र अपाङ्गता भएका व्यक्तिहरूलाई विशेष ध्यान दिऔं,
- बाढी पहिरो आएमा सुरक्षित स्थानतर्फ जाऔं,
- विजुलीका लाइन वा पोलबाट टाढा बसौं,
- बाढीको समयमा खोलानाला पार गर्दा सतर्कता अपनाऔं,
- अफवाह नफैलाऔं, सत्य सूचना मात्र आदान-प्रदान गरौं,
- घाइते वा जोखिममा परेका व्यक्तिको उद्धारमा सहयोग गरौं।



नेपाल सरकार

विज्ञापन बोर्ड

हलिं नेवाः दबू नेपाः देय् मूकवःया सुचं



हलिं नेवाः दबू (World Newah Organization) या

न्याक्वःगु हलिं नेवाः तःमुँज्या (5th World Newah Convention)

वइगु ने.सं. ११४५ गुलागाः सप्तमीनिसें नवमी अगस्ट १५-१७ (श्रावण ३० निसें भाद्र १ गतेतक)

Rustar Worlds Largest Wooden Cruise जहाजय् जुइत्यंगु जूगुलिं

उगु तःमुँज्याय् ब्वति काय्त् भाय् मंदुपिं दबूया सकल दुजःपिसं

विस्तृत जानकारीया नितीं याकनं स्वापु तयादीत इनाप यानाच्चना।

तःमुँज्याय् ब्वति शुल्क : ८० डलर

थप वये, वनेगु व च्वनेगु नितीं ब्वतिकामिपिसं थम्हं हे खर्चया व्यवस्थापन याये माः।

विस्तृत जानकारीया नितीं स्वापू :

९८५१०९९४७२, ९८४१२५७६३३, ९८४१३३०५७७, ९८५१०२७५८३



छत्रपाटी निःशुल्क चिकित्सालय (अस्पताल)

“स्त्रीय शलभ स्वास्थ्य सेवा सकसियां नितीं, असहायता नितीं जक निःशुल्क”

उपलब्ध सेवा

- २४सी घण्टा सेवा
- ईमरजेन्सी
- प्याथोलोजी
- एक्स रे
- ई.सी.जी
- औषधि पसल
- अन्तरंग सेवा

शल्यक्रिया

- मोतिविन्द
- अन्तरंग कलरी
- नाक बाब घाँटी सम्बन्धि
- हाडलेनी तथा नाक सम्बन्धि
- बिना बिस्कार मिश्रित मरीको अन्तर सम्बन्धि

बहिर्गत सेवा

- मुटु रोग
- फेफ रोग
- गुटीरोगी
- स्त्री रोग
- बाल रोग
- अन्तरंग रोग
- अन्तर रोग
- औषधि रोग
- अन्तरंग मेडिसिन
- अन्तरंग रोग
- नाक कान घाँटी रोग
- अन्तरंग रोग
- नाक कान घाँटी रोग
- अन्तरंग रोग
- नाक कान घाँटी रोग
- अन्तरंग रोग

मेमेम सेवा

- ट्रेसिङ
- इन्फेक्सीकोपी
- क्रोमोसोमकोपी
- क्रोमोसोमकोपी
- क्रोमोसोमकोपी
- क्रोमोसोमकोपी
- क्रोमोसोमकोपी
- क्रोमोसोमकोपी
- क्रोमोसोमकोपी
- क्रोमोसोमकोपी
- क्रोमोसोमकोपी
- क्रोमोसोमकोपी
- क्रोमोसोमकोपी
- क्रोमोसोमकोपी
- क्रोमोसोमकोपी
- क्रोमोसोमकोपी



२४ घण्टा ईमरजेन्सी सेवा

७०८ गंगालाल मार्ग, छत्रपाटी, काठमाडौं, फोन: ५३९६९३८, ५३५७९९९, ५३६६२२९